



Sumáriu Atividade Mensál Advokasia Períodu Maiu 2021

I. Introdusaun

Programa Monitorizasaun ba Sistema Judisiáriu (JSMP) liuhusi Unidade Advokasia no Treinamentu iha Maiu 2021 kontinua halo atividade sira hanesan:

1. Partisipa iha enkontru sira liuhusi zoom meeting
2. Mídia advokasia liuhusi halo monitorizasaun ba mídia sira. Husi monitorizasaun ba mídia sira, JSMP haree asuntu relevante sira tuir JSMP nia rekomendasaun ne'ebé fó sai iha mídia sira no JSMP públika filafali iha pájina fecebook JSMP nian
3. Publika informasaun regulár iha jornal Timor Post, Diáriu Nasionál, Independente no STL
4. Halo atividade adisional balun maka hanesan kontribui fahe sasan ba vítima feto no labarik sira iha fatin refuziadu sira.

II. Atividade sira

- 1) Partisipa iha enkontru sira

Estadu kontinua aplika serka sanitaria nune'e iha fulan ida ne'e enkontru sira realiza liuhusi virtual (zoom) ba suntu advokasia sira. Alende partisipa enkontru liuhusi zoom, JSMP mós hetan konvite husi Komisaun A Parlamentu Nasionál iha 05 Maiu 2021 hodi halo audénsia públika no rona JSMP nian hanoin kona-ba Esbosu Lei Estatutu Majistratura Judisiál nian ne'ebé inísia husi Parlamentu Nasionál ho Projetu Lei Nú. 21/V/2021. Audénsia ne'e partisipa mós husi Prokuradór Jerál Repúblika no ekipa, Prezidente Asosiasaun Majistratura Judisiál ne'ebé mós hanesan mós Diretór ba Sentru Formasaun Jurídika no Judisiária (SFJJ), Eis-Prezidente Komisaun Reforma Lejizlativa.

- 2) Mídia advokasia liuhusi atividade monitoring ba mídia sira

JSMP kontinua halo atividade mídia monitoring hodi identifika, prepara no sumariza informasaun relevante sira relasiona ho rekomendasaun no asuntu advokasia sira ne'ebé durante ne'e JSMP foka husi mídia sira tantu mídia online no jornál sira.

Iha períodu ne'e, JSMP kontinua rezumu informasaun relevante sira hodi publika iha pájina facebook JSMP nian, informasaun sira ne'e mak hanesan tuir mai ne'e:

- **Dr. Sergio Quintas : Serka sanitária númeru kazu pendente aumenta**

Desizaun governu kontinua aplika serka sanitária iha munisípiu Dili halo númeru kazu pendente iha Tribunál Distritál Dili aumenta ba bebeik.

Jurista Timor Oan, Sergio Quintas hatete inpakatu husi pandemia Covid 19 obriga governo tenke aplika medidas preventivas no ema hotu tenke obdese ba konfinamentu obrigatóriu ne'e, nune'e kazu ne'ebé markadu tiha ona la bele realiza julgamentu no fó mós inpaktu ba servisu tribunál liuliu hamosu kazu pendente barak iha tribunál durante serka sanitária. Fontes Jornal Independente, 10 Maiu 2021 pájina 3.

Antes ne'e JSMP mós prepara komunikadu imprensa : Aplikasaun serka sanitária no konfinamentu obrigatóriu difikulta vítima violénsia bazeia ba jéneru asesu ba serbisu assisténsia no asesu ba tribunál: JSMP husu buka solusaun imediata https://jsmp.tl/.../PrSerkaSanitarianokazusiraVBG_TETUM.pdf

- **Ministériu Justisa propoin prizioneiru 58 atu hetan indultu : JSMP husu atu krime transnasionál, krime graves, krime violasaun hasoru fetu no labarik no krime korrupsaun mantein la hetan indultu no komutasaun ba pena**

Ministru Justisa (MJ), haruka ona naran prizioneiru hamutuk nain 58 ba Prezidente Repúblika (PR) Francisco Guterres Lú Olo, atu bele hetan indultu iha komemorasau loron restaurasaun Independénsia , 20 Maiu tinan ne'e.

“ Ministériu Justisa, hateten, dadur sira ne'e priense ona rekezitu pena uma terço atu bele hetan indultu, maibé kompeténsia iha xefe estadu. http://www.tatoli.tl/.../mj-propoin-prizioneiru-58-atu... Fontes Tatoli, 17 Maiu 2021

JSMP husu atu krime transnasionál, krime graves, krime violasaun hasoru fetu no labarik no krime korrupsaun mantéin la hetan indultu no komutasaun ba pena https://jsmp.tl/.../uploads/PR-INDULTU_Agostu-2020_Tetum.pdf

- **Juis Administradór Tribunál Distritál Suai José Maria de Araujo: Rekursu Tribunál Distritál Suai suficiente**

Juis Administradór Tribunál Distritál Suai José Maria de Araujo, informa, rekursu ne'ebé agora dadaun iha Juis nain 6, Ofisial Justisa nain 10 resin no mós funsionáriu lojística no IT suficiente ona atu halo servisu. Maibé kona-ba sala julgamentu juis ne'e hateten

katak la suficiente tanba iha rua de'it maibé agora dadaun iha mós kobe house ida ne'ebé lakleur tan sei uza hodi atende julgamentu prosesu singulár sira.

Entretantu bainhira konfirma kona-ba kazu ne'ebé mak rejista as iha TDS hodi submete ba prosesu ne'ebé kada lora julga barak liu maka krime violénsia doméstika ho forma ofensa ba intergridade fízika simples no krime kontra bandu. Fontes Timor Post, 18 Maiu 2021.

Antes ne'e JSMP hato'o deskobrimentu kona-ba Situasaun iha Tribunál Distritál sira ba Prezidente Tribunál Rekursu <https://jsmp.tl/.../Relatoriu-Informasaun-ba-Prezidente...>

- **Sentru Formasaun Jurídiku Judisiáriu ajusta materia foun ba formasaun autór judisiáriu**

Sentru Formasaun Jurídiku no Judisiáriu halo ajustamentu ba elaborasaun materia foun iha kuríkulu hodi fó formasaun ba autór judisiál foun, hanesan Juis, Prokuradór no Defensór.

Diretór SFJJ, Antonino Gonçalves, hateten materia formasaun jerál ne'ebé durante ne'e hanorin ba autór judisiál foun mak hanesan intrudusaun direitu, Kódigu Penál, Kódigu Prosesu Penál, Kódigu Sivil, Kódigu Prosesu Sivil, lian portugés ba termu jurídiku no sira seluk. Materia sira ne'ebé presiza ajusta maka hanesan direitu sosiedade komersiál, direitu traballu, direitu família menór, direitu administrativu, fiskál no finansa, korrupsaun, direitu tasi ka internacional, direitu fundamental iha konstituisaun, direitu organizaun administrativu, direitu organizaun sistema polítiku, planeamenta jestaun no lideransa, etika de antolojia, psíkolojia, teknolojia informasaun no komuikasaun, violénsia doméstika, igualdade jéneru ho sira seluk.

Materia hirak ne'e SFJJ halo ajustamentu ba kurríkulu no ninia elaborasaun finaliza ona, hein fó formasaun ba kandidatu foun sira. <http://www.tatoli.tl/.../sfjj-ajusta-materia-foun-ba.../> fontes Tatoli, 21 Maiu 2021.

JSMP apresia ho iniciativa di'ak husi Diretór Sentru Formasaun Judisiáriu, ne'ebé iha planu atu inklui tan materia importante sira iha formasaun ba autór judisiáriu no defensória pública, ida ne'e hanesan pasu pozitivu ida hodi bele hasa'e no aumenta koñesimentu autór judisiáriu sira nian ba iha materia sira ne'ebé mensiona iha leten.

- **Prokuradór Jerál Repúblika relata serbisu administrativu ba Prezidente Repúblika**

Prokuradór Jerál Repúblika (PJR), Alfonso Lopez, hala'ó enkontru dahuluk ho Prezidente Repúblika (PR) Francisco Guterres Lú Olo hodi relata serbisu administrativu no prosesu sira ne'ebé oras ne'e lao hela iha Ministériu Públiku.

Prokuradór Jerál Repúblika, Dr. Alfonso Lopez, alende informa nia serbisu inisiu nu'udar PJR, Dr. Alfonso mós hato'ó ba PR kona-ba konstrusaun ba Edifísiu Prokuradór nian iha Kolmera no iha Losplaos ne'ebé hetan difikuldade tanba aplikasaun Estadu Emerjénsia no serka sanitária no konfinamentu obrigatóriu nune'e la bele hola no lori materia konstrusaun atu halo konstrusaun. <http://www.tatoli.tl/.../pjr-relata-servisu.../> Fontes Tatoli 25 Maiu 2021.

- **Tribunál Distritál Dili julga Deputada Anabele Sávio : JSMP husu ba deputadu sira atu kontribui ba prevene no kombate korrupsaun liuhusi kolabora ho prosesu justisa**

Tribunal Distrita Dili (TDD) hala'ó julgamentu ba arguida Maria Anabele Sávio atual membru Parlamentu Nasionál (PN). TDD notifika arguida tanba deskonfia prátika krime pekulatu ka enxe señas kombustível ho kupon Estadu ba kareta privadu. <http://www.tatoli.tl/.../tdt-julga-deputada-anabela-savio/> fontes Tatoli, 27 Maiu 2021

Antes ne'e JSMP mós prepara komunikadu imprensa kona-ba JSMP husu ba deputadu sira atu kontribui ba prevene no kombate korrupsaun liuhusi kolabora ho prosesu justisa, asesu JSMP nia komunikadu imprensa kompletu iha link ida ne'e <https://jsmp.tl/.../JSMP-husu-ba-deputadu-sira-atu...>

3) Publikasaun regulár iha jornál sira

JSMP regularmente prepara no sumáriza informasaun relevante sira husi rezultadu monitorizasaun sira iha Tribunál, Parlamentu Nasionál no mós serbisu advokasia, serbisu asisténsia ba vítima violénsia bazeia ba jéneru. Informasaun sira ne'e, JSMP publika iha jornál sira hanesan Timor-Post, Diariu Nasionál, Independente no Suara Timor Lorosae (STL) hanesan tuir mai :

Jurnal	Data Publika	Informasaun sira ne'ebé prodús no públika Iha jurnal Timor Post, Diáriu Nasionál, Independente no STL
Timor Post	05 Maiu 2021	<ul style="list-style-type: none">• JSMP nia analiza kona-ba: Mekanismu ba Garantia Konstituisaun no Impeachment ba Prezidente Repúblika
	12 Maiu 2021	<ul style="list-style-type: none">• Komisaun A Parlamentu Nasionál rona hanoin husi

		<p>JSMP no parte relevante sira seluk kona-ba esbosu Estatutu Majistratura Judisiál</p> <ul style="list-style-type: none"> • JSMP husu ba Governu no entidade kompetente sira aseguza ezekusaun fundu Covid-19 no dezastre naturál nian ho transparente no akontável tuir lei
	19 Maiu 2021	<ul style="list-style-type: none"> • Kazu Espoza Sekretáriu Estadu Arte Kultura nia mate JSMP husu atu investiga ho kle'an no independente • JSMP nia relatóriu kona-ba mekanizmu ba garantia Konstituisaun no Impeachment ba Prezidente Repúblika
	26 Maiu 2021	<ul style="list-style-type: none"> • JSMP kongratula Tribunál sira uza meu telekonferénsia hodi hala'ó julgamentu no husu atu audénsia ba leitura desizaun sira halo iha tribunál • JSMP husu PN aloka orsamentu sufisiente hodi apoia CAC nia serbisu
Diariu Nasionál	5 Maiu 2021	<ul style="list-style-type: none"> • JSMP nia analiza kona-ba: Mekanizmu ba Garantia Konstituisaun no Impeachment ba Prezidente Repúblika
	12 Maiu 2021	<ul style="list-style-type: none"> • Komisaun A Parlamentu Nasionál rona hanoin husi JSMP no parte relevante sira seluk kona-ba esbosu Estatutu Majistratura Judisiál
	21 Maiu 2021	<ul style="list-style-type: none"> • JSMP husu PN aloka orsamentu sufisiente hodi apoia CAC nia serbisu
	25 Maiu 2021	<ul style="list-style-type: none"> • Tribunál Distritál Oekusi adia julgamentu ba kazu "Topu Honis" • JSMP husu atu uza meu alterativu ho telekonferénsia
Independente	5 Maiu 2021	<ul style="list-style-type: none"> • JSMP nia analiza kona-ba: Mekanizmu ba Garantia Konstituisaun no Impeachment ba Prezidente Repúblika
	13 Maiu 2021	<ul style="list-style-type: none"> • Komisaun A Parlamentu Nasionál rona hanoin husi JSMP no parte relevante sira seluk kona-ba esbosu Estatutu Majistratura Judisiál
	19 Maiu 2021	<ul style="list-style-type: none"> • Kazu Espoza Sekretáriu Estadu Arte Kultura nia mate

		JSMP husu atu investiga ho kle'an no independente
	27 Maiu 2021	<ul style="list-style-type: none"> • Tribunál Distritál Oekusi adia julgamentu ba kazu "Topu Honis" JSMP husu atu uza meu alterativu ho telekonferénsia • JSMP husu PN aloka orsamentu suficiente hodi apoia CAC nia serbisu
STL	5 Maiu 2021	<ul style="list-style-type: none"> • JSMP nia analiza kona-ba: Mekanismu ba Garantia Konstituisaun no Impeachment ba Prezidente Repúblika
	10 Maiu 2021	<ul style="list-style-type: none"> • Komisaun A Parlamentu Nasionál rona hanoin husi JSMP no parte relevante sira seluk kona-ba esbosu Estatutu Majistratura Judisiál
	24 Maiu 2021	<ul style="list-style-type: none"> • JSMP kongratula Tribunál sira uza meu telekonferénsia hodi hala'o julgamentu no husu atu audénsia ba leitura desizaun sira halo iha tribunál
	31 Maiu 2021	<ul style="list-style-type: none"> • Tribunál Distritál Oekusi adia julgamentu ba kazu "Topu Honis" • JSMP husu atu uza meu alterativu ho telekonferénsia

III. Konkluzaan

Maski iha fulan Maiu nia laran nafatin iha situasaun Estadu Emerjénsia no Serka Sanitária ne'ebé fó limitasaun atu halo movimentu no atividade sira maibé JSMP konsege hala'o atividade balun hanesan enkontru liuhusi virtual, audénsia ho Komisaun A Parlamentu Nasionál hodi fó hanoin kona-ba Esbosu Lei Estatutu Majistratura Judisiál nian ne'ebé inísia husi Parlamentu Nasionál ho Projetu Lei Nú. 21/V/2021.

JSMP halo mós atividade adisionál balun maka hanesan kontribui fahe sasan ba vítima feto no labarik sira iha fatin refuziadu sira.

Atu hatene informasaun liutan bele kontaktu :

Ana Paula Marçal
Diretora Ezekutiva JSMP
Email: ana@jsmp.tl
Website: <https://jsmp.tl/>